

Family Planning Only Services (Cov Kev Pab Npaj Muaj Tub Ki)

Qhov kev pab cuam no muab ib co kev pab npaj lub neej ntsig txog kev muaj tub ki.

Lub hom phiaj ntawm qhov kev pab cuam no yog pab ceev kom txhob cia li muaj me nyuam thiab kom txhob kis mob los ntawm kev sib deev.



Cov Kev Pab Uas Kam Them

Kuj yuav them rau cov kev pab nram qab no yog tau txais qhov kev pab ntawm ib qhov chaw uas mus ntsib ib xyoos ib zaug:

- Cov kev pab ceev kom tsis muaj me nyuam thiab tej khoom siv (xws li tshuaj noj, hnab looj, thiab lwm yam)
- Cov khoom ib txhis siv thaum ntuj tsim teb raug los (natural supplies)
- Mus cuag khw muag tshuaj npaj muaj tub ki
- Kev tshuaj poj niam ncauj tsev me nyuam (pap tests)
- Khi hnyuv me nyuam (tubal ligation)
- Kev kuaj thiab kho cov mob kis los ntawm sib deev (Sexually Transmitted Diseases) xws li kas cees (chlamydia), kas cees paug (gonorrhea), mob uav thiab kas cees taug leeg (herpes and syphilis) thiab lwm yam kev kuaj mob (lab tests)
- Kev tiv thaiv ntsig txog kev muaj tub ki.

Yog koj muaj npe tau txais cov kev pab npaj muaj tub ki (Family Planning Only Services) no, tej zaum koj kuj yuav tau txais BadgerCare Plus uas yuav pab them ntawm ntxiv thiab.

Nrog Nco: Qhov kev pab cuam no tsuas them rau qee yam xwb: Piv txwv, yuav tsis them rau mus kuaj mis thiab phais tsev me nyuam tawm. Koj yuav tau hais rau koj tus kws kho mob ua ntej tias koj tau txais kev pab los ntawm qhov kev pab cuam no. Koj tus kws kho mob yuav qhia rau koj paub seb qhov twg yog qhov tsis them. Yog koj tus kws kho mob twb qhia rau koj tias qhov ntawd luag tsis them es koj tseem kom nws muab rau koj thiab ces koj yuav tau them rau qhov ntawd. Hu rau 1-800-362-3002 nug seb qhov kev pab twg yog qhov luag kam them.

Tsoom fwv teb chaws txoj cai pub rau cov tswv cuab xaiv nws cov chaw mus kho mob, xws li cov kws kho mob thiab cov chaw kuaj npaj muaj tub ki (family planning clinics), cov kev pab thiab cov khoom siv. Yog li no, koj yuav mus rau qhov twg los tau, tsuav luag kam txais koj daim ForwardHealth ID card xwb, tab txawm qhov chaw ntawd tsis yog ib feem ntawm koj lub HMO.

Yog koj qhov chaw pab npaj muaj tub ki tsis muaj qhov kev pab uas koj xav tau, nws yuav tsum xa koj mus rau lwm qhov uas muaj pab tau koj. Nws tseem yuav tau xa koj mus rau qhov chaw muab kev kho mob hauv zos (community health center) yog koj xav mus kuaj mob ntxiv thiab. Yog muaj lus nug dab tsi, nug koj qhov chaw muab kev pab npaj muaj tub ki.

Yuav kom muaj npe tau txais kev pab, koj yuav tsum:

- Yog ib tus pej xeem Mis Kas, los yog muaj ntaub ntawv nkag teb chaws raws cai.
- Muaj hnub nyog tsawg kawg 15 xyoos.
- Tsis tau txais Forward Health rau Cov Laus, Cov Dig Muag los yog cov Xiam Oob Qhab los yog BadgerCare Plus Standard los yog Benchmark Plans, thiab
- Muaj cov nyiaj tau los hauv tsev neeg tas nrho ua ntej rho se tawm tsis tshaj 300% ntawm tsoom fwv tus ciem nyiaj tau los rau cov uas tseem txom nyem. (Rau cov uas hnub nyog tseem yau (minors), niam txiv cov nyiaj tau los yuav tsis muab suav rau.)

Tsev neeg muaj	300% FPL
1	\$2,792.50
2	\$3,782.50
3	\$4,772.50

Tsis muaj qhov xam tej khoom muaj nqi rau qhov kev pab cuam no.

Muaj npe txais kev pab ntawm Family Planning Only Services mus ib ntus

txhais hais tias yog koj yog ib tus poj niam hnub nyooog tsawg kawg 15 xyoos, koj yuav tau txais cov kev pab npaj muaj tub ki tam sid, tej zaum tseem tau ua ntej koj mus ua ntawv thov cov kev pab npaj muaj tub ki (Family Planning Only Services) ntawm qhov chaw Enrollment Services Center thiab.

Ib qhov chaw muab kev pab (a qualified provider) yog qhov tau txais ntaub ntawv pom zoo muab kev pab npaj muaj tub ki thiab yog tus txiav txim seb koj puas tsim nyog tau txais cov kev pab mus ib ntus no. Tej zaum koj tus kws kho mob twb yog tus tau txais qhov tso cai no los muaj thiab; tiam sis yog nws tsis yog, nws yooj yim mus nrhiav tau tus yog. Qhov chaw pab cov tswv cuab ntawm 1-800-362-3002 yuav muab ib daim ntawv teev tas nrho cov npe muaj nyob ntawm koj cheeb tsam rau koj.

Nrog Nco: Yog koj tsis yog ib tus pej xeem Mis Kas, koj yuav tau mus thov cov kev pab npaj muaj tub ki no ntawm qhov chaw Enrollment Services Center thiab muab koj tej ntaub ntawv pov thawj nkag teb chaws rau lawv.



Muaj Npe Tau Txais Kev Pab Mus Ib Ntus Yuav Tau Ntev Li Cas

Qhov kev pab mus ib ntus no yuav pib kiag hnub uas koj ua daim ntawv thov kev pab mus ib ntus rau cov kev pab npaj muaj tub ki (Temporary Enrollment for Family Planning Only Services Application) thiab qhov chaw muab kev pab (qualified provider) pom tias koj yeej muaj npe tau txais kev pab tiag. Qhov chaw no kuj yuav pab koj ua daim ntawv thov kev pab (application).

Koj yuav muaj npe nyob hauv qhov no mus txog lub hlis thib ob tas suav txij lub hlis ua ntej uas koj muaj npe tau txais qhov kev pab los mus.

Piv txwv: Jane mus rau ntawm qhov chaw kuaj mob es tus kws kho mob muab nws tso rau qhov kev pab npaj muaj tub ki mus ib ntus thaum lub 3 Hlis tim 10. Yog Jane tsis ua daim ntawv thov BadgerCare Plus ntawm qhov chaw khiav hauj lwm muab kev pab ntawm nws nyob, nws qhov muaj npe tau txais qhov kev pab mus ib ntus yuav tas rau lub 4 Hlis tim 30.

Yuav Ua Ntawv Thov Kev Pab Li Cas?|

Yuav kom tau txais cov kev pab npaj muaj tub ki mus tsis tu (Family Planning Only Services), koj yuav tau mus thov ntawm qhov chaw Enrollment Services Center. Koj yuav thov online ntawm access.wi.gov, hu xov tooj mus los yog ua ntawv xa ntawv mus los tau. Yog yuav thov hauv lub xov tooj, hu rau Member Services ntawm 1-800-362-3002 es teem caij mus ntsib. Yog yuav ua ntawv xa mus no mas koj yuav tsum tau ua daim ntawv thov kev pab (application). Koj muab tau ib daim ntawv thov online ntawm dhs.wi.gov/em/customerhelp los yog hu rau 1-800-362-3002.

Tsis Pub Lwm Tus Paub

Yog koj tau txais cov kev pab npaj muaj tub ki (Family Planning Only Services), koj yuav tau txais cov kev pab tiv thaiv li nram no:

- Muab tej ntaub ntawv uas yuav xa tuaj rau koj xa mus rau lwm qhov uas tsis yog koj qhov chaw nyob.
- Yog koj tsis tau muaj 18 xyoo, yuav tsis muab koj xa mus rau qhov chaw khiav hauj lwm saib xyuas kev them nyiaj pab yug me nyuam (child support agency).
- Yog koj tsis tau muaj 18 xyoo, yuav tsis muab koj niam thiab koj txiv cov nyiaj tau los coj los xyuas seb koj puas tsim nyog tau txais kev pab ntawm Family Planning Only Services.
- Qhov chaw Enrollment Services Center yuav tsis qhia rau cov niam cov txiv los yog lwm cov neeg saib xyuas koj paub.



Txaits Kev Pab Cuam

Yog koj muaj npe tau txais kev pab Family Planning Only Services qhov chaw muab kev pab (qualified provider) yuav muab ib daim ID card rau koj siv mus ib ntus. Daim card yuav qhia tias koj muaj npe tau txais kev pab mus ib ntus ntawm Family Planning Only Services. Koj yuav tau muab daim card no rau luag saib txhua zaus koj mus ntsib luag.

Tom qab tsis ntev uas koj tau txais daim ID card siv mus ib ntus no, koj yuav tau txais ib daim “Forward-Health” card siv rau cov kev pab npaj muaj tub ki. Ces koj yuav tau siv daim ForwardHealth card no, es txhob siv daim xub muab siv mus ib ntus ntawd lawm.

Yog koj tsis muaj npe tau txais kev pab ntawm Family Planning Only Services ces daim ForwardHealth card yuav nres tsis ua hauj lwm thaum koj qhov kev pab mus ib ntus tas. Tab sis ceev daim ForwardHealth card cia txhob muab pov tseg tsam koj ho thov kev pab ForwardHealth Plan ib hnub tom ntej es luag ho pab koj ces thaum ntawd koj yuav siv tib daim ForwardHealth card no.



Wisconsin Well Woman Medicaid

Tej zaum koj kuj yuav tau txais Wisconsin Well Woman Medicaid thiab yog koj muaj npe tau txais cov kev pab npaj muaj tub ki (Family Planning Only Services), thiab:

- Koj tau mus kuaj thiab tshawb pom tias koj mob cancer los yog muaj mob uas yuav chiv tau ua cancer rau hauv lub tsev me nyuam, los yog
- Tau mus kuaj mis ntawm Family Planning Only Services thiab tau mus kuaj ntxiv rau sab nraud uas tsis yog Family Planning Only Services es tshawb pom tias muaj mob cancer mis, thiab pom tias yuav tsum tau kho tus mob cancer mis los yog lub tsev me nyuam, los yog kab mob uas yuav chiv ua tau cancer rau lub tsev me nyuam.

Wisconsin Well Woman Medicaid yuav them tej kev kho mob tib yam li BadgerCare Plus. Yog xav paub ntxiv, saib phau ntawv ForwardHealth Enrollment & Benefits (P- 00079) los yog hu rau tus xov tooj 1-800-362-3002.

Xav Paub Ntxiv:

Cov lus no tsuas hais dav dav xwb. Yog xav paub dab tsi ntxiv:

- Mus saib ntawm [dhs.wi.gov\em\customerhelp](http://dhs.wi.gov/em/customerhelp)
- Hu rau 1-800-362-3002

Department of Health Services (DHS) yog ib tus tswv hauj lwm thiab yog ib qhov chaw pab cuam muab vaj huam sib luag rau sawv daws. Yog koj muaj mob xiam oob qhab li cas es xav kom muab cov ntaub ntawv no pauv ua hom ntawv uas koj nyeem tau, los yog xav kom muab txhais ua lwm hom lus, thov hu rau (608) 266-3356 (suab) los yog (888) 701-1251, (TTY). Kev pab cuam txhais lus tas nrho yog pab dawb xwb. Yog muaj lus nug txog neeg cov cai hu rau (608) 266-9372 (suab) los yog (888) 701-1251, (TTY).

Lus Tshwj Xeeb rau Cov Hluas

Yog koj tsis tau muaj hnub nyoog es txawm koj niam thiab koj txiv paub los koj tsis xav li cas no ces koj kuj muaj cuab kav thov tau BadgerCare Plus cov kev pab tas nrho yog koj muab tau koj niam thiab koj txiv tej nyiaj los xam rau.

P-10068H (02/12)